



世界書局印行

景印
藻堂
四庫全書薈要

集
第三
別集
八冊
部類





本冊目次

書名及撰人	卷次	頁次
山谷外集十四卷 宋黃庭堅撰	卷七至卷十四	三八五—
山谷詞一卷 宋黃庭堅撰	卷一	三八五—一五一
山谷年譜三十卷 宋黃庭堅撰	卷一至卷三十	三八五—一八一
伐檀集二卷 宋黃庶撰	卷上至卷下	三八五—三二七
淮海集四十卷後集六卷長短句三卷 宋秦觀撰	卷一至卷四十	三八五—三七九
(後集)	卷一至卷六	三八五—六一八
(長短句)	卷上至卷下	三八五—六五二

欽定四庫全書薈要

集部
山谷外集卷七

詳校官助教臣謝登雋

欽定四庫全書薈要卷一萬五千七十八

集部

山谷外集卷七

宋 黃庭堅 撰

律詩一百六十四首

叔父鈞亭

夜發分寧寄杜澗叟

元豐癸亥經行石潭寺見舊和栖蟾詩甚可笑

因削柎滅藻別和一章

題馬當山魯望亭四首

次韻胡彥明同年羈旅京師寄李飛三章

欽定四庫全書

山谷外集
卷七

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

到官歸志浩然二絕句

出迎使客質明放船自瓦窰歸

送酒與畢大夫

次韻奉寄子由

原韻二
首附

再次韻奉答子由

再次韻寄子由

次韻寄上七兄

古老受秋租輒成長句

再次韻和吉老

招吉老子範觀梅花

寄黃從善

登快閣

題息軒

從時中乞蒲團

答余洪範二首

題安福李令朝華亭

寄舒申之戶曹

次韻吉老十小詩

歐陽從道許寄金橘以詩督之

黃幾復自海上寄惠金液三十兩

和七兄山預湯

奕棊二首呈任公漸

次韻幾復答予所贈三物三首

靜居寺上方南入一徑有釣臺氣象甚古

侯尉之吉水覆按未歸三日泥雨戲成寄之

侯尉家聽琵琶

次韻吉老寄君庸

寄袁守廖獻卿

廖袁州次韻見答并寄黃靖國再生傳次韻寄

之

袁州劉司法亦和予摩字詩因次韻寄之

次韻奉答吉老并寄何君庸

聞吉老縣丞按田在萬安山中

次韻喜陳吉老還家二絕

再次韻和答吉老二首

雙澗寺二首

酴醾

奉答李和甫代簡二絕句

次韻奉答袁州懷舊隱之詩

觀王主簿家酴醾

社日奉寄君庸主簿

北窓

洪範以不合俗人題廳壁二絕句次韻和之

次韻答杜仲觀二絕 再次韻杜仲觀二絕

次韻元翁從王夔玉借書

奉和孫承議謝送菜絕句

學元翁作女兒浦口詩

去歲和元翁重到雙澗寺

次韻知命入青原山口

次韻吉老知命同游青原二首

次韻十九叔父臺源

次韻曾都曹喜雨

和李才甫先輩快閣五首

幾道復覓檳榔

發贛上寄余洪範

同韻和元明兄知命弟九日相憶二首

題吉州承天院清涼軒

題槐安閣

太和奉呈吉老縣丞

立春

子範徼巡諸鄉捕逐羣盜幾盡輒作長句勞苦

行李

喜太守畢朝散致政

戲贈南安倅柳朝散

睡起

次韻君庸寓慈雲寺待韶惠錢不至

次韻奉荅存道主簿

題神移仁壽塔

題海首座壁

題仁上座畫松

次韻漢公招七兄

送高士敦赴成都鈐轄二首

次韻子瞻元夕扈從端門三首

次韻子瞻送穆父二絕

和子瞻內翰題公擇舅中丞山房

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道

謝

奉同公擇作揀芽詠

今歲官茶極妙而難為賞音者戲作兩詩用前

韻

公擇用前韻嘲戲雙井

又戲為雙井解嘲

奉同六舅尚書詠茶碾煎烹三首

王立之以小詩送並蒂牡丹戲荅

題子瞻書詩後

戲贈高述

與李公擇道中見兩客布衣班荆而坐對戲奕

秋因作一絕

題歸去來圖二首

題陽關圖二首

次韻荅少章聞鴈聽雞二首

題王居士所藏王友畫桃杏花二首

戲荅仇夢得承制二首 題哥羅驛竹枝詞

題李十八知常軒 次韻荅吉鄰機宜

送曹黔南口號

題劉氏所藏展子虔感應觀音二首

以虎臂杖送李任道二首

謝周文之送猫兒 戲呈田子平

太平州作二首 長沙留別

贈花光老

題花光老為曾公卷作水邊梅

清明

叔父釣亭

檻外溪風拂面涼
四圍春草自鉏荒
陸沉霜髮為鈎直
柳貫錦鱗緣餌香
影落華亭千尺月
夢通岐下六州王
麒麟臥笑功名骨
不道山林日月長

夜發分寧寄杜澗叟

陽關一曲水東流
燈火旌陽一釣舟
我自只如常日醉
滿川風月替人愁

元豐癸亥經行石潭寺見舊和栖蟾詩甚可笑因
削剗滅藁別和一章

千里追奔兩蝸角
百年得意大槐宮
空餘祇夜數行墨
不見伽黎一臂風
俗眼只如當日白
我顏非復向來紅
浮生不作游絲上
即在塵沙逐轉蓬

題馬當山魯望亭四首 彭澤舊治所

馬當一曲孤煙人物于今眇
然不見繞籬黃菊誰收種

秣土田 一作有地自荒杭稻無人更與酒錢

鯨波橫流砥柱虎口活國宗臣小屈 一作少日 弦歌百里不

誣 一作莫言 天下歸仁

不見魯公斷石誰家為礎為杠
筆法錐沙屋漏心期曉

日秋霜

笠澤道人高古文章白髮蕭條 一作文章歲寒後凋 欲問勒銘遺

墨應書水府鮫綃

次韻胡彥明同年羈旅京師寄李子飛三章一章

道其困窮二章勸之歸三章言我亦欲歸耳胡

李相甥也故有檳榔之句

看除日月坐中銓一歲應無官九遷蔥韭盈盤市門食
詩書滿枕客床氈留連節物孤朋酒惱亂隣翁謁子錢
誰料丹徒布衣侶困窮且忍試新年

丁未同升鄉里賢別離寒暑未推遷蕭條羈旅深窮巷

欽定四庫全書

山谷外集
卷七

八

蚤晚聲名上細氈碧嶂清江元有宅白魚黃雀不論錢

檳榔一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉

鋤頭為枕草為氈元無馬上封侯骨安用人間使鬼錢

不是朱門爭底事清溪白石可忘年

上蕭家峽

玉筍峯前幾百家山明松雪水明沙趁虛人集春蔬好

桑園竹萌煙蕨芽

晚年本云趁虛人在烟
中語荷蓀歸來有蕨芽

何蕭二族

西漢功名相國多南朝人物數諸何向來富貴喧天地
亦有文章在澗阿

魏夫人壇

獨掃蛾眉作遠山春風瑤草照朱顏我來欲問許玉斧
二十四峯如髻鬟

隱梅福處

吳門不作南昌尉上疏歸來朝市空笑拂巖花問塵世

欽定四庫全書

山谷外集
卷七

九

故人子是國師公

蕭子雲宅

郁木坑頭春鳥呼雲迷帝子在時居風流掃地無尋處

只有寒藤學草書

避秦十人

九真承詔上龍胡盡是驪山所送徒唯有鄧公留不去

松根椿鼎煮菖蒲

黃雀

牛大垂天且割烹細微黃雀莫貪生頭顱雖復行萬里
猶和鹽梅傳說羹

到官歸志浩然二絕句

雨洗風吹桃李淨訟聲聒盡鳥驚春滿船明月從此去
本是江湖寂寞人

鳥鳴未覺常先曉笋蕨登盤始見春歛手還他能者作
從來刀筆不如人

出迎使客質明放船自瓦窑歸

鼓吹喧江雨不開丹楓落葉放船回風行水上如雲過
地近嶺南無鴈來樓閣人家捲簾幕菰蒲鷗鳥樂灣洄
惜無陶謝揮斤手詩句縱橫付酒杯

送酒與畢大夫

淺色官醕昨夜篇一樽聊付卯時投甕邊吏部應歡喜
殊勝平原老督郵

奉寄子由

大臨

鐘鼎功名淹堯庫朝廷翰墨寫風煙遙知道院頗岑寂

定是壺中第幾天歷下笑談漫一夢江南消息又餘年
動心忍性非無意吏部如今信大顛

奉答元明

報

故人聚散霜前葉往事渺茫風際煙游宦一生非有已
隱居萬事不由天崎嶇檻穽方謀食笑傲山林肯計年
賴已將心問盧老相逢他日笑風顛

次韻奉寄子由

半世交親隨逝水幾人圖畫入凌煙春風春雨花經眼

欽定四庫全書

山谷外集
卷七

十一

江北江南水拍天欲解銅章行問道定知石友許忘年
眷令各有思歸恨日月相催雪滿顛

再次韻奉答子由

蠅尾銀鈎寫珠玉剡藤蜀繭照松煙似逢海若談秋水
始覺醯雞守甕天何日清揚能覲面只今黃落又凋年
萬錢買酒從公醉一鉢行歌聽我顛

再次韻寄子由

想見蘇耽携手仙青山桑柘冒寒烟麒麟墮地思千里

虎豹憎人上九天風雨極知難自曉雪霜寧與菌爭年
何時確論傾樽酒醫得儒生自聖顛

出素問

次韻寄上七兄

學得屠龍長縮手鍊成五色化蒼煙誰言游刃有餘地
自信無功可補天啼鳥笑歌追暇日飽牛耕鑿望豐年
荷鋤端欲相隨去邂逅青雲恐疾顛

吉老受秋租輒成長句

黃花事了綠叢霜蟋蟀催寒夜夜床愛日捃收如盜至

欽定四庫全書

山谷外集

十三

失時鞭朴奈民瘡田夫田婦肩賴檐江北江南稼滌場
少忍飛糠眯君眼要令私廩上公倉

再次韻和吉老

今日僕姑晴自語愁陰前日雪鋪床三冬一雨禾頭濕
百斛幾痕牛領瘡民欲與翁歸作臘公方無事可開場
相勤凍坐真成惡愧我偷閒飽太倉

招吉老子觀梅花

播糠眯眼丞良苦鳴鼓連村尉始歸及取江梅來一醉

明朝花作玉塵飛

寄黃從善

故人千里隔談經想見牛刀刀發硎渴雨芭蕉心不展
未春楊柳眼先青鳬飛葉縣郎官宰虹貫江南處士星
天子文思求逆耳吾宗一為試雷霆

登快閣

癡兒了却公家事快閣東西倚晚晴落木千山天遠大
澄江一道月分明朱絃已為佳人絕青眼聊因美酒橫

欽定四庫全書

山谷外集

十三

萬里歸船弄長笛此心吾與白鷗盟

題息軒

僧開小檻籠沙界鬱鬱參天翠竹叢萬籟參差寫明月
一家寥落共清風蒲團禪板無人付茶鼎薰爐與客同
萬水千山尋祖意歸來笑殺舊時翁

從時中乞蒲團

撲屋陰風雪作團纖蒲投我最宜寒君當自致青雲上
快取金絨覆馬鞍

荅余洪範二首

道在東西祖詩如大小山一家同雪月萬事廢機關天
上麒麟閣山中虎豹閑何時得丘壑明鏡失朱顏

懸磬齋厨數米炊貧中氣味更相思可無昨日黃花酒
又是春風柳絮時

題安福李令朝華亭

丹楹刻桷上崢嶸表裏江山路一作略眼平曉日成霞張

錦綺青林多露綴珠纓人如旋磨觀羣蟻田似圍碁據

欽定四庫全書

山谷外集

十四

一枰對案昏昏迷簿領暫來登覽見高明

寄舒申之戶曹

吉州司戶官雖小曾屈詩人杜審言今日宣城讀書客

還趨手板傍轅門江山依舊歲時改桃李欲開煙雨昏

公退但呼紅袖飲剩傳歌曲教新翻

次韻吉老十小詩

十襲發硃刀無名自貴高秋衣猶葛製午飯厭溪毛

萬木霜搖落山呈斧鑿痕癡蠅思附尾驚鶴畏乘軒

日短循除廡溪寒出白科宮居圖畫裏小鴨睡枯荷

眼看人換世手種木成陰藏拙無三窟談禪劇七禽

寒水幾痕落秋山萬竅號紅梨啄烏鵲殘菊掛蠨蛸

佳人斗南北美酒玉東西夢鹿分真鹿無雞應木雞

斲鼻昔常爾絕絃知者稀無人與爭長惟有釣魚磯

茵席絮剪璽枕囊收決明南風入晝夢起坐是松聲

半菽一瓢飲懸鶉百結衣蕭條鬼不瞰聊可與同歸

學似斲輪扁詩如飯顆山室中餘一劍無氣斗牛間

欽定四庫全書

山谷外集

十五

歐陽從道許寄金橘以詩督之

從道參禪嘗有言
句來頗聞數從歌

舞飲故
及之

禪客入秋無氣息想依紅袖醉氍毹霜枝搖落黃金彈

許送筠籠殊未來

黃幾復自海上寄惠金液三十兩且曰惟有德之

士宜享將以排蕩陰邪守衛真火幸不以凡物

畜之戲荅

皺面黃湏已一翁樽前猶發少年紅金丹已與煩真友

只恐無名常籍中

和七兄山預湯

厨人清曉獻瓊糜正是相如酒渴時能解饑寒勝湯餅
畧無風味笑蹲鴟打窓急雨知然鼎亂眼睛雲看上匙
已覺塵生雙井椀濁醪從此不須持

奕棊二首呈任公漸

偶無公事負朝暄三百枯棊共一罇坐隱不知巖穴樂
手談勝與俗人言簿書堆積塵生案車馬淹留客在門

欽定四庫全書

山谷外集

十六

戰勝將驕疑必敗果然終取敵兵翻

偶無公事客休時席上談兵校

一作角

兩棊心似蛛絲遊

碧落身如蜩甲化枯枝湘東一目誠甘死天下中分尚
可持誰為吾徒猶愛日參橫月落不曾知

次韻幾復荅予所贈三物三首

誰憐湖海士白髮夜窻繁風雨雞不已詩書眼尚明禪
枝安宿鳥僧粥吼華鯨但滿五車讀行看一座傾

右石燈檠

絕域薔薇露他山菡萏鑪薰衣作家想伏枕夢閨妹遊
子宮蟻穴謫仙居瓠壺當時有憂樂回首亦成無

右石博山

九原誰復起糟魄未傳心不取丁儀米疑成校尉金名
從高位借德有下僚沉筆削多瑕點猶希畏友箴

從高位曲陸有德人沉救俗規如此慵疎廢古今

右石刻

靜居寺上方南入一徑有釣臺氣象甚古而俗傳

欽定四庫全書

山谷外集

十七

謬妄意嘗有隱君子漁釣其上感之作詩

避世一丘壑似漁非世漁獨吟嘉橘頌不遺子公書笋

蕨園林晚絲絡歲月除安知冶容子紅袖泣前魚

侯尉之吉水覆按未歸三日泥雨戲成寄之

歎息侯嬴老尉曹鞍馬疲山花迷部曲江雨壓旌旗越

鳥勸沽酒竹鷄憂蹋泥不知何處醉遙寄解醒詩

侯尉家聽琵琶

舫齋蒼竹雨聲中一曲琵琶酒一鍾恰似潯陽江上聽

只無明月與丹楓

次韻吉老寄君庸

何郎生事四立壁心地高明百不憂白眼醉來思阮籍
碧雲吟罷對湯休諸公著力書交上尺壁深藏價未酬
空使君如巢幕燕將鷁處處度春秋

寄袁守廖獻卿

公移猥甚叢生笋訟牒紛如蜜分案少得曲肱成夢蝶
不堪衙吏報鳴鼉已荒里社田園了可奈春風桃李何

欽定四庫全書

山谷外集
卷七

十八

想見宜春賢太守無書來問病維摩

廖袁州次韻見荅并寄黃靖國再生傳次韻寄之

春去懷賢感物多飛花高下冒絲窠傳聞治境無戾虎

更道豐年鳴白鵲史筆縱橫窺寶鉉

千寶作搜神記徐鉉作稽神錄當時

謂寶鬼之董狐詩才清壯近陰何寄聲千萬相勞苦如倚胡床

得按摩

袁州劉司法亦和予摩字詩因次韻寄之

袁州司法多兼局日莫歸來印幾窠詩罷春風榮草木

書成快劍斬蛟鼉遙知吏隱清如此應問卿曹果是何
頗憶病餘居士否在家無意食蘿摩

次韻奉荅吉老并寄何君庸

傾懷相見開城府取意閒談沒白案但取吏曹無狡兔
任呼舞女代靈鼉屢中甕面酒幾聖苦憶樽前人姓何
願得兩公俱助我不唯朱墨要漸摩

聞吉老縣丞按田在萬安山中

苦雨初聞喚婦鳩紅粧滿院木葉秋樽前不記崔思立

欽定四庫全書

山谷外集
卷七

十九

應在諸山最上頭

次韻喜陳吉老還家二絕

公庭無事吏人休垂箔寒廳對奕秋催織青籠篋白酒

竹爐煨栗煮雞頭

夜寒客枕多歸夢歸得黃柑紫蔗秋小雨對談揮麈尾

青燈分坐寫蠅頭

再次韻和荅吉老二首

水宿風飡甚勞苦勉旃吾子富春秋我愧疲民欲歸去

麥田春雨把鋤頭

賢勞王事一歸休
霜落園林失九秋
想得君家烏鵲喜
蛛絲縈繞玉搔頭

雙澗寺二首

二水泚泚鳴屋除
松林落日吼於菟
老僧更有百歲母
白髮身為反哺烏

山陬江深屋翠崖
夜鐘聲自甕中來
長松偃蹇蒼龍卧
六月澗泉轟怒雷

欽定四庫全書

山谷外集

卷七

酴醾

漢宮嬌額半塗黃
入骨濃薰賈女香
日色漸遲風力細
倚欄偷舞白霓裳

奉荅李和甫代簡二絕句

山色江聲相與清
卷簾待得月華生
可憐一曲並船笛
說盡故人離別情

夢中往事隨心見
醉裏繁華亂眼生
長為風流惱人病
不如天性總無情

次韻奉荅廖袁州懷舊隱之詩

詩題怨鶴與驚猿
一幅溪藤照麝煙
聞道省郎方結綬
可容名士乞歸田
嚴安召見天嗟晚
賈誼歸來席更前
何況班家有超固
應封定遠勒燕然

觀王主簿家酴醾

肌膚冰雪薰沉水
百草千花莫比芳
露濕何郎試湯餅
日烘荀令炷爐香
風流徹骨成春酒
夢寐宜人入枕囊
輸與能詩王主簿
瑤臺影裏據胡床

欽定四庫全書

山谷外集

卷七

社日奉寄君庸主簿

花發社公雨陰寒
殊未開初聞燕子語
似報玉人來遮
眼便書冊挑蟬欺
酒盃傳聲習主簿
勤為撥春醅

北窻

生物趨功日夜流
園林才夏麥先秋
綠陰黃鳥北窻簾
付與來禽安石榴

洪範以不合俗人題廳壁二絕句次韻和之

寂寥吾道付萬世
忍向時人覓賞音
搔首金城西萬里

樽前從此歎人琴

德占最
知洪範

埋沒高才築釣間風雲未會要鯢桓南康郡下參軍耳
付與紅塵白眼看

次韻荅杜仲觀二絕

鳥啼花動却春寒雨壓青旗卷畫千多事今年廢詩酒
煩君傳語問平安

重簾複幕和風雨無奈催沽鳥喚人只是樽前欠狂客
舞娃冰雪酒磷磷

欽定四庫全書

山谷外集
卷七

十三

再次韻杜仲觀二絕

短舞朱裙愜醉看惜公官守隔江干遙憐得句無人賞
走馬城東覓道安

詩家二杜見仍雲佳句風流照映人青眼向來同醉醒
白頭相望不緇磷

次韻元翁從王夔玉借書

為吏三年弄文墨草萊心徑失耕鋤常思天下無雙祖
得讀人間未見書公子藏山真富有小儒捫腹正空虛

何時管鑰入吾手為理籤題撲蠹魚

奉和孫承議謝送菜絕句

春蔬照映庾郎賓遣騎持籠佐茹葷却得齋厨厭滋味
白鵝存掌鼈留裙

學元翁作女兒浦口詩

五老峯前萬頃江女兒浦口鴛鴦雙驚飛何處沙上宿
夜雨釣船燈照窻

去歲和元翁重到雙澗寺觀余兄弟題詩之篇總

欽定四庫全書

山谷外集
卷七

十三

忘收錄病中記憶成此詩

素琴聲在時能聽白鳥盟寒久未尋眼見野僧垂雪髮
養親元不顧朱金開泉浸稻雙澗水煨笋充盤春竹林
安得一厘吾欲老君聽莊舄病詩吟

次韻知命入青原山口

坑路羊腸繞稻田碁局方林間塔餘寸風外竹斜行吠
客犬反走驚人鳥空忙山形與祖印岑絕兩相當

次韻古老知命同遊青原二首

洗鉢尋思去論詩匡鼎來鵝窺錫處井魚泳釣時臺垂
足收親子存身亘劫灰僧雛手金鑰一為道人開
至人來有會吾道本無家閱世魚行水遺書鳥印沙齋
盂香佛飯法席雨天花時有清談勝還同歎永嘉

次韻十九叔父臺源

聞道臺源境鉏荒三徑通人曾夢蟻穴鶴亦怕雞籠萬
壑秋聲別千江月體同須知有一路不在白雲中

次韻曾都曹喜雨

水旱國代有人神理本通徧穹祠小大敢指蜺雌雄地
厭焚煖極天回顧盼中蛟龍起乖卧星斗晦澄空雲挾
雷聲走江翻電脚紅寵光歸稼穡滴瀝在梧桐訟猶
相及時霖恐未豐潔齋靳得歲同病託諸公

和李才甫先輩快閣五首

山寒江冷丹楓落爭渡行人簇晚沙荻葉蘋花飛白鳥
一張紅錦夕陽斜

赤欄終日倚西風山色接藍小雨中將老鬢毛秋著木

相思親舊水連空

長江淡淡春天去甲子隨波日日流萬事轉頭同墮甌
一身隨世作虛舟

雲橫章貢雨翻盆寺下江深水到門落日荷鋤人著本
西風滿地葉歸根

西南嘉氣浮馬祖東北祥風繞靜居山邑豐年人少訟
身來訪道得齋魚

幾道復覓檳榔

蠻煙雨裏紅千樹逐水排痰肘後方莫笑忍饑窮縣令
煩君一斛寄檳榔

發贛上寄余洪範

二川來集南康郡氣味相似相和流木落山明數歸鴈
鬱孤欄楯繞深秋胸中淳于吞一石塵下庖丁解十牛
他日欲言人不解西風散髮棹扁舟

同韻和元明兄知命弟九日相憶二首

革囊南渡傳詩句摹寫相思意象真九日黃花傾壽酒